

Hautetsi intsumisoen zigorrak gogortzeko erabaki politikoa dagoela uste du EAK

Espainiako fiskal nagusiarekin bildu nahi dute zigorren atzean zer dagoen argitzeko

Eusko Alkartasunaren ustez, azken hilabeteotan Espainiako Armadarekin ez kolaboratzeko erabakia hartu duten EAKo hautetsien kontrako zigorrak «gogortu» egin dira. Erabaki hori ez da kasualitatea alderdi abertzalearen irudiko, eta atzean erabaki politiko bat dagoela uste du. Ildo horretan, EAK zenbait ekimen eramango ditu aurrera hurrengo hilabeteotan, «errepresioaren areagotze» horri aurre egiteko.

Iñaki Petxarroman / Donostia

INMACULADA BONETA EAK Espainiako Senatuan duen senadoreak eta Begoña Lasagabaster Kongresuko diputatuak bi ekimen bultzatuko dituzte hurrengo hilabeteotan, Armadarekin ez kolaboratzeko erabakia hartu duten EAKo karguen kontrako zigorren areagotzearen atzean zer dagoen argitzeko, eta egoera horri aurre egiteko. Horrela, alderdi abertzaleak dioenez, azken hilabeteotan bere alkate eta gainerako kargu publikoen kontrako zigor eskaerak eta zigorrak gogortu dituzte, eta horren atzean erabaki politiko bat dagoela sumatzen dute. «Lehen zigor sinbolikoak eta absoluzioak izaten ziren; orain, berriz, inhabilitazio urteak eskatzen dituzte gure kargudun publikoen kontra». Egoera horren burugabeke-ria nabarmendu zuen Bonetak, are gehiago, egun alkateek duten betebeharrak —gazteen zerrendak bidaltzea Armadari— urte batzuko barru desagertuko delako.

Azken hilabeteotan, EAKo bi alkateri bi urte baino gehiagoko inhabilitazio zigorra ezarri diete: Pello Gonzalez Urretxuko alkatea (Gipuzkoa) 2 urte eta erdiko inhabilitaziora eta 15 hilabetetan egunero 1.500 pezetako isuna ordaintzera zigortu zuten (60 libera). Aguraingo alkateorde Aitor Landari (Araba), berriz, 2 urte eta 4 hilabeteko inhabilitazio zigorra ezarri zioten Arabako Probintzi Entzutegian. Ildo horretan kokatu zuen Imanol Murua Zarauzko alkatearen kontra Ministerio Fiskalak eskatzen duen zigorra ere: hiru urteko inhabilitazio publikoa eta 3.000 pezetako isuna egunero 16 hilabetetan (120 libera).

«Fiskaltza jerarkikoa da, eta, beraz, jakin nahi dugu zergatik gertatu den zigor eskaeren gogortzea», esan zuen Bonetak. Horretarako, Jesus Cardenal Estatuko fiskal nagusiari bilera bat egiteko eskaera egin diote jada diputatuak eta senadoreak.

Bestalde, jadanik lege proposamen bat aurkeztu du EAK Espainiako Kongresuan, udalek, gazteen erreklutatzean, Armadarekin kolaboratu beharrik izan ez dezaten eskatzeko.



Mayorga Ramirez, Jon Gonzalez, Inmaculada Boneta eta Jose Gurrutxaga, atzoko agerraldian.

ANDER GILLENEA

ARMADAREKIN EZ KOLABORATZEAGATIK AUZIPETU EAKO KARGUAK

hautetsia	kargua	egoera juridikoa
Jose Julian Irizar (Zumarraga)	diputatu ohia	hilabeteko inhabilitazio zigorra bete+ 100.000 pezetako isuna
Jose Antonio Rekondo (Hernani)	alkatea	kasu artxibatua
Begoña Lopez Tolosa (Ibarra)	alkatea	zigorrik gabe, kausa berriak
Genaro Bordagarai (Alegia)	alkatea	zigorrik gabe, kausa berriak
Sagrario Eskisabel (Ataun)	alkate ohia	Sei hilabeteko inhabilitazioa +90.000 pezetako isuna
Juan Ramon Larrañaga (Legazpi)	alkatea	zigorrik gabeko epai errekurritua: 2,5 urteko inhabilitazio zigor eskaera
Pello Gonzalez (Urretxu)	alkatea	2 urteko inhabilitazioa+500 pezeta eguneko urtebetean /beste epaiketa baten zain
Jesus Maria Larrea (Zegama)	alkate ohia	epaiketaren zain
Axun Mendizabal (Zegama)	alkatea	epaiketaren zain / eskaera:8 hilabeteko inhabilitazioa+1500 pezeta eguneko lau hilabetetan
Mikel Zabala (Astigarraga)	alkatea	kasu artxibatua
Jose Gurrutxaga (Tolosa)	alkatea	epaiketaren zain
Imanol Murua (Zarauz)	alkatea	epaiketaren zain / eskaera: 3 urteko inhabilitazio zigorra +3000 pezeta eguneko 16 hilabetetan
Aitor Landa (Agurain)	alkateordea	2 urte eta lau hilabeteko inhabilitazioa
Juan Karlos Goienetxea (Bermeo)	alkatea	epaiketaren zain

Herriaren nahia bete, besterik ez

Pello Gonzalez Urretxuko alkate inhabilitatuak azaldu zenez, Armadarekin ez kolaboratzeko hartutako erabakia «herriak eskatzen duen zerbait» da. «Gai gutxitan dago gai honek dagoen adostasun handia kaleko jendearen eta udaleko

agintarien artean», esan zuen. Gonzalezek adierazi zuen fiskalak EAKen kontra jotzen ari direla bereziki, bere esanetan, beste alderdi batzuetako alkate eta kargudun publikoen kontra ez baitituzte hain zigor gogorrak eskatu. Hala ere, Gonzalezek ziurtatu zuen egungo jarrerari

etsiko diotela, herriak hala eskatzen dielako.

Orain arte, EAKo kargudun publiko bakar batek bete du epaitegiek ezarritako zigorra —Jose Julian Irizar Gipuzkoako Foru Aldundiko Garrio eta Errepide diputatu ohia—, beste zigor guztiak errekurritu baitituzte. X

Jesus Belaskoain
intsumiso nafarra
epaituko dute bihar
Coruñan

■ Bernardo Atxaga
idazleak babesa
eskaini dio gazteari

Europa Press / Iruñea

JESUS BELASKOAIN Ekisoin intsumitu nafarra bihar epaituko dute Coruñan (Galizia) desertzioaz akusaturik. Horrela, Intsumisioa Kuartelatan estrategiari jarraiki epaitzen duten hirugarren gazte nafarra izango da Ekisoin. Izan ere, bere aurretik Ignacio Ardanaz eta Alberto Isaba gazteak epaitu zituzten epaitegi militarrean.

Fiskalak hiru urteko kartzela zigorra eskatu du Belaskoainen kontra, 1997ko maiatzean Aizoaingo kuartelatik alde egin izanagatik.

Belaskoainen jarrera babestu zuten Bernardo Atxaga idazleak eta Gregorio Diaz Dionis Europako SERPAJ elkarteko kideak. Belaskoainek adierazi zuen egin zuena Armada salatzeke ordutan egin zitekeen «koherenteeena eta egokiena» zela, eta ziurtatu zuen ez zitzaioala beste biderik geratzen.

Patricia Morenok, Belaskoainaren abokatuak, esan zenez, epaileak zigorrik gabe libre utzi beharko lituzke intsumisoak, gizarteak hala nahi duelako. Hala ere, beste kasu batzuetan jasotako zigor bera jasoko duelako komentzimen-dua agertu zuen: 2 urte, lau hilabete eta egun bat.

Bernardo Atxaga idazleak ere bere babesa agertu zion Belaskoaini, eta ziurtatu zuen haren lanak balio izango duela gizarte berri eta justuago bat lortzeko, balore berriekin eta iraganeko mamuak beregain eramango ez lituzkeena.

Atxagaren esanetan, «gizartearen gehiengoa antimilitarista da, batik bat Armadarekin harreman zuzena izan duten guneeetan». Atxaga kexu agertu zen gizarteak maiz axolagabekeriak jokatzen duelako, eta ez duelako arazoaren larria sumatzen.

Gregorio Diazek ere intsumisioa eredutatzat jo zuen militarismoaren kontra borroka egiteko. X



Osakidetza
Servicio vasco de salud



OSASUN SAILA
DEPARTAMENTO DE SANIDAD

E.P.E. 97

OSAKIDETZA ENPLEGU PUBLIKOAREN ESKAINTZA

BIOLOGO

KATEGORIA BIGARREN AZTERKETA EGITEKO DEIALDIA

IRAGARKIA

Honen bidez, oposizio-faseko lehen ariketa gainditu zuten goi-mailako teknikarien taldeko **BIOLOGOEI** dei egiten diegu, epaimahaiak horrela erabakita, **BIGARREN ARIKETA** errepikatuzera 1998ko ABENDUAREN 4an, goizeko 9:30etan (bederatzi eta erdietan) Gorlizko ospitalean.



Osakidetza
Servicio vasco de salud



OSASUN SAILA
DEPARTAMENTO DE SANIDAD

E.P.E. 97

OSAKIDETZA ENPLEGU PUBLIKOAREN ESKAINTZA

EUSKARAKO AZTERKETA

IRAGARKIA

Honen bidez, **ABENDUAREN 1ean** goizeko 10etan, Gasteizko UNEDean, Pedro Asua z/g kalean, egingo den EUSKARAKO probarako deialdia egiten da. Proba horretan parte hartu dezakete, bai emaitzen aldaketaren ondorioz, bai ezarritako erreklamazioen aldeko iritziren ondorioz, lanbide-kategoriatako oposizio-faseak gainditu zituzten hautagaiek.

Proba hau artean onartu gabe zeudelako, 1998ko ekainaren 27an egin zen proba aurkeztu ez ziren hautagaientzat izango da, eta horientzat bakarrik.